

385/2
RUNYORO
RUTOORO
Orupapura
Rwa kabiri
Paper 2
August 2024
Esaaha ibiri

ENTEBBE JOINT EXAMINATION BUREAU

Uganda Lower Secondary Certificate of Education

RUNYORO-RUTOORO

Orupapura rwa Kabiri

Esaaha ibiri

EBIRAHONDERWA :

*Orupapura runu rucwirwemu ebicweka **bisatu**; A, B na C.*

*Garukamu ebikaguzo **byona** omukicweka **A** na **B**.*

*Omu Kicweka **C**, komamu ekikaguzo **kimu**.*

*Ebigarukwamu ebirukukira hali ebi oragiirwe **tibirukwija** kukeberwa.*

Handiika ebigarukwamu byawe byona ha rupapura orundi orukuhairwe.

EKICWEKA A

KUSOMA

1. Soma ekihandiiko ekikuhairwe nukwo ogarukemu ebikaguzo ebihondiireho.

Omuhangi akahanga abantu yabetorooza amata n’obwoki, eby’obuhangwa byona ebitwehinguliriize biina emigaso nyingi ha bwomezi bwabantu. Hataroho ensoro y’obwomezi busaho kihangwa ekikusobora kuhangaara. Obuguuda obutwetoroire bwona buleetwa amaizi kandi amaizi nibwo bwomezi.

Enyamaiswa mukisaka zirindwa amaizi, ebinyaasi, n’ebikoora ebiizirya. Bimera nibikura habwa amaizi. Amaizi buguuda, sente, buhangwa kandi bwomeezi. Abeby’obwomeezi baragira buli muntu hakiri kunywa ebikopo bbina eby’amaizi. Abantu abamu baganywa batamanyirwe ngu bakuganywa. Ebitokosa bwongo, amarwa, ebijuma nebindi nkebi bibamu amaizi.

Kwenda kwetegereza ekindukugamba wekaguze amakorre habwaki gombekwa haihi n’ebisaru, oikirize oyange, buli ikorre lyetagisa amaizi maingi kandi nabuli kintu kyona ekiruga omumakorre kyetagisa amaizi gamba nka obuhunga, emibazi eby’okulya n’ebindi nkebi.

Eby’okulya tulya, nigo mata n’obwoki Ruhanga yatusemberiize ha meeza.

Wakekaguzaaga eby’okulya tulya biruga nkaha, kandi habwaki birimwa bikeera, wetegereze ngu amaizi nibwo buguuda Ruhanga yainganiize ha buli kihangwa, Omunaku, omuguuda, ebisoro, ebinyonyi n’ebirimwa.

Itungo lya, banaku nigo amaizi habw’okuba bagatunga hataroho bulemezi bwona kandi omu bwingi bakwetaaga. Kakuba Ruhanga agaihaho omunsi ye, buli kihangwa kyona nikihwerekera, kandi nensi obundi nehwa.

Kwikiriza ngu obuguuda maizi, genda omunsi z’abajungu, noiya kurora ngu niifuka muno kandi ez’abaharabu nizookya muno. Amaizi buguuda kandi nensi ezitagira maizi zigalega kurunga ha mikura enkooto ey’amayanja nikwo bagatunge basobole kutunga obwomeezi.

Ebisoro ebimu bikacwamu kwikara omumaizi nukwo bisobore kuhangaara. Ebyenyanja, ebikere, ebihuka, ebisoro ebikooto nebitaito bikara bitegere amaino bimukize nensaya kuleeba aba ha bwere. Amaizi niyo nju, byokulya kandi kyesweko kyabyo.

Abantu abasomere baba bembaganiza habwokuba bafaayo muno kwekonyeza emigisa yona enyakubaraba omumaiso batunge okuhangaara. Bo bagacumba, bagayonja kandi obundi banywa agakebiirwe gali n’omubucupa, hatali bakajoligo abanywa agabakasangire gamba nko mubigaana omunguudo nag’ebisoro bikuzaniramu.

Ekyenaku abarungi, amaizi nyamwingi Ruhanga yatuhaire munuka obundi omugisa gukatufa busa, wekaguze enjura obu egwa tugigobamuki?

Emigisa yona tukagirekera abaijaija namuno aberambanda. Amasamba g’amajani goona kandi ag’ebikaijo nag’ebinazi, enyanja nikipigambibwa itwe titukwikirizibwa kusoha mu encu yo yabaha, binu mubyetegereze. Emigaso yamaizi, abamakore,

abarambuzi n'emigaso y'omuka, leka tukwatanize hamu kulinda ensoro y'obw'omeezi, hatali eki ensi n'ehwerekeera.

Ebikaguzo:

- (a) Kusigikiira hali omuhandiiki, Kiki ekiyamanyisize obu yagambire ensoro y'obwomezi?
- (b) Habwaki ebisoro ebimu byacwiremu kwikara omu maize?
- (c) Kiki ekikwoleka ngu amata n'obwoki Ruhanga yatuhaire munuka titubukozeseze kurungi?
- (d) Soboora abantu ba munuka ebibalemeseze kulegya obuguda obubetoroire.

EKICWEKA B

KUFUNZA

2. Funza ekihandiiko kinu nooyoleka ebizibu ebikuruga mu kukozesa abaana emirimo ehinguraine.

Kyamananu omunsi yaitu eya munuka, enkwata y'abaana nehuniriza muno. Abaana nibatwarwa nk'abakozi omu maka agakukira obwingi. Nibakozesebwa emirimo jw'akasagama etarukuhikaana n'emyaka yaabu kiburaihanura obundi n'ebaheebwa bazaire baabu.

Habw'okuforwa bakozi omu maka g'owaabu na ha bw'emirimo nyamwingi ekubaheebwa, abaana baingi balemerwe kusoma habw'okuburwa obwire. Abandi banukire basongora ati rundi baranagwa omuyaga. Tikiri ekyo kyonka niho otiire n'okutunga endwara ez'amaani nk'omugongo ebikya obundi ebirugwamu n'okufa.

Habwe'enyikara egyo embi abaana abamu bacwamu kwiruka omumaka g'owaabu kugenda kwikara ha mihanda n'omubanywani, obundi n'okuraara ni baraaha ha mihanda bataina n'eky'okwesweka. Osangwaho orora n'okukura bakura benobere bataina businge, bezingire emitima, tibenda kubaza, kuzaana, kulya kandi baikara besoroire. Emitima yaabu esisana eyekisoro obarora na hamaiso bagumangaine nkibaale, omunagaho limu noihayo habwokutina kumwihaho obuzibu.

Tibiri ebyo byonka noho otiire n'okukura bakoromere/bakonere. Tibaruga mu buto kandi tibakenga kurungi obundi niho haruga n'okuhuguka obwongo obundi harugamu n'okufa.

Abebembezi baitu basemeriire kukwataniza hamu kurwanisa n'okukangaijura abazaire abakukora ebikorwa nk'ebi nukwo abaana baitu batunge obusinge omunsi yaabu kandi nihanga ligende omumaiso. Obulemu bw'okumarraaho kimu ebikorwa nkebi tibuli byihanga rundi abanadiini bonka baitu bwaitu itwena.

EKICWEKA C

EBYOBUHANGWA

Komamu ekikaguzo kimu

Kinu

3. Enganda n'emiziro Kintu kikuru muno omu buhangwa bwa Abanyoro n'Abatooro. Ensi ngato z'ebiro binu tizikyatwara enganda nk'ekintu kikuru. Kitwale ngu oli mukuru w'enganda, handiika nobaterekereza hali ebi basemeriire kumanya.

Rundi

4. Omukyaro ky'owanyu mukaferwa nyineka, aboruganda nibagonza kumara orufurwe baitu tibamanyire emirwa ehonderwa. Handiika nobaha obuhabuzi.

BIHOIRE